

11. oktober 2004

UKA 2004/26

**Qamutit motorillit akileraarutaat pillugit Inatsisartut inatsisaata
allanngortinneqarneranik Inatsisartut inatsisaannut siunnersuut**

pillugu

Inatsisartut Akileraartarnermut Akitsuusiisarnemullu Ataatsimiititaliaata

ISUMALIUTISSIISSUTAA

siunnersuutit aappassaaneerreqarneranni saqqummiunneqartoq

Inatsisartut ataatsimiititaliaat suliarinninnermini ukuninnga inuttaqarpoq:

Inatsisartunut ilaasortaq Kalistat Lund, Siumut, Siulittaasoq
Inatsisartunut ilaasortaq Agathe Fontain, Inuit Ataqtigiit, Siulittaasup tullia
Inatsisartunut ilaasortaq Augusta Salling, Atassut
Inatsisartunut ilaasortaq Per Skaaning, Demokraatit
Inatsisartunut ilaasortaq Ole Thorleifsen, Siumut

Inatsisartut Akileraartarnermut Akitsuusiisarnemullu Ataatsimiititaliaata
siunnersuut una UKA 2004-mi siullermeerneqareermat nassuiaatai ilanngullugit
misissorpaa.

Siunnersuutip imarisaa

Qamutit motorillit savaatilinnit tuttuutilinnillu pigineqartut landskarsimut
akitsuummik akiliisitsissutaasanninnerat ileqquusimavoq, qamutimmi motorillit
taakku nunatsinni aqqusinnermi angallanneq pillugu inatsit naapertorlugu
siusinnerusukkut nalunaarsoneqartussaataaangimmata. September 2003-imili
qamutit motorillit tamakku nalunaarsorneqartalernissaat politiit aalajangerpaat,
taamaaliornikkullu qamutit motorillit akileraarutaat pillugit Inatsisartut inatsisaanni
nr. 3, 16. juni 1987-imeersumi § 1-imut siunertarineqanngitsumik taakku
ilanngutitinneqarlutik.

Siunertarineqanngitsumik savaatilittut tuttuutilittullu inuussutissarsiortunut
aningaasatigut kinguneqaatit qulaani taaneqartut illuatungilernissaat siunertaralugu
Naalackersuisut siunnersuut manna aqqutigalugu qamutit motorillit
akitsuusigassaannigitsunut ilaasut amerlineqarnissaat kissaatigaat. Taamaalilluni

qamutit motorillit illoqarfiit nunaqarfiillu avatanni savaatillinnit, tuttuutillinnit allanillu taakkununnga assigusunik ingerlataqartunit pigineqarlutillu inuussutissarsiornermut atatillugu atorneqartut amerlanerpaamillu 15-inik amerlassuseqartut akitsuusiivigineqartussaannngitsunut ilanngutitsinneqarput.

Inatisartut inatsisaat siuliani taaneqartoq ilanngullugu oqaasertalerneqarnermigut erseqqissaavigineqassasoq siunnersutigineqarpoq, taamaalilluni qamutit motorillit bus-itut atorneqartartut, bus-inik ingerlatsineq siumut aalajangeriikkamik tamanullu takussassiarineqartoq tunngavingalugu ingerlanneqartillugu, akitsuummik akiliisartussaannngitsutut inissinneqarsinnaalissallutik. Piffinni ataasiakkaani attartornissamik pisariaqartitsoqartillugu bus-ip taamatut atorneqartarnerata kingunerisaanik akitsuusiinnnginnissaq mattunneqarsinnaanngilaq.

Tusarniaanermut akissutisiat

Ataatsimiititaliap siunnersuutip oqaluuserineqarneranut atatillu tusarniaanermut akissutisiat nuutinneri piniarpai. Tusarniaanermut akissutisiat immikkut oqaaseqarnissamut pissutissaqalersitsinngillat.

Siunnersuutip ilusiligaanera

Siunnersuummi amigaatit naleqqutinngitsullu pillugit Inatsisartut Inatsisissanik Nalilersuisarfiannit allakkiamik ataatsimiititaliaq pissarsivoq. Ataatsimiititaliap iluarisimaarlugu maluginiarpaa siullermeerinissaq sioqqullugu Naalakkersuisut allakkiami kaammattuutigineqartunut naapertuuttumik siunnersuummik iluarsiisimanerat.

Aningaasatigut kinguneqaatissat

Illoqarfiit nunaqarfiillu avatanni savaatillit, tuttuutilliit allallu taakkununnga assigusunik ingerlataqartut qamutinik motorilinnik pigisaqarlutillu inuussutissarsiornermut atatillugu atugaqartut ulloq 1. april 2004 allarnerfigalugu akitsuummik akiliisinneqartalersimmata, siunnersuutip matuma akuersissutigineqarnerata kingunerissavaa akiligassanngortinneqarsimasut 20.000 kr.-inik naleqartut utertinneqarnissaat. Siunnersuulli manna akuersissutigineqanngippat Akileraartarnermut Pisortaqarfik naapertorlugu qamutit motorillit taakku akitsuutaat ukiumut 120.000 kr-it 150.000 kr.-illu akornanni isertitaqarnermik kinguneqassaaq.

Ataatsimiititaliaq isumaqatigiittoq siunnersuut pillugu ima oqaaseqassaaq:

Qamutinik motorillinnik illoqarfiit nunaqarfiillu avatanni savaatillinnit, tuttuutillinnit allanillu taakkununnga assigusunik ingerlataqartunit pigineqarlutillu inuussutissarsiornermut atatillugu atorneqartunik taamatut ukiumoortumik akitsuusiisarneq naleqquttuunanilu naammaginan-ngitsoq Akileraartarnermut Akitsuusiisarnermullu Ataatsimiititaliaq isumaqarpoq. Tamanna tunngavingalugu siunnersuummut matumunnga tapersiininini ataatsimiititaliap oqaatigissavaa.

Aammattaaq siunnersuut matumani pineqartoq akuersissutigineqareerpat qamutit motorillit akileraarutaat pillugit Inatsisartut inatsisaata nr. 3-p, 16. juni 1987-imeersup allannguutai ilanngullugit nalunaarusiunneqarnissaa

ataatsimoortunngortinneqarnissaaluunniit ataatsimiititaliap Naalakkersuisunut kaammattuutigissavaa.

Tamanna tunngavingalugu **Akilerartarnermut Akitsuusiisarnermullu**
Ataatsimiititaliap siunnersuut Inatsisartunit akuersissutigineqassasoq **inassutigaa.**

Taama oqaaseqarluni Inatsisartut Akilerartarnermut Akitsuusiisarnermullu Ataatsimiititaliaata siunnersuut aappasaanigassanngortippaa.

-

Kalistat Lund
Siulittaasoq

Agathe Fontain
Siulittaasup tullia

Augusta Salling

Per Skaaning

Ole Thorleifsen